



Nýr Landspítali staða framkvæmda og fréttir af verkefninu

- Niðurstöður í samkeppni um listaverk við nýjan Landspítala
- Margt fram undan í byggingaframkvæmdum
- Opnun tilboða vegna stækunar vinnubúða
- Jarðvinna við hús Heilbrigðisvíssindasviðs Háskóla Íslands
- Starfsfólk frá Sjúkraliðafélagi Íslands í heimsókn
- Jarðvinna hafin við Grensásdeild Landspítala
- Áhugasamir arkitektar í heimsókn vegna útveggjaklæðningar á meðferðarkjarna

Niðurstöður í samkeppni um listaverk við nýjan Landspítala



Þórdís Erla Zoëga við vinningstillöguna „Upphaf“ við afhendingu verðlauna



Glatt var á hjalla við afhendingu verðlauna, Finnur Árnason stjórnarformaður NLSH og formaður dómnefndar og listamennirnir; Þórdís Erla Zoëga, Haraldur Jónsson, Anna María Bogadóttir, Sigurður Guðjónsson, Rósá Gísladóttir og Ólöf Nordal. Á myndina vantar einn keppanda; Katrínu Sigurðardóttur

Á síðasta ári efndi Nýr Landspítali ohf. til samkeppni meðal myndlistarmanna um nýtt listaverk til útfærslu á Sóleyjartorgi.

Alls barst 51 umsókn um þáttöku og valdi forvalsnefnd sex listamenn/hópa úr innsendum umsóknum til þáttöku í lokuðum hluta samkeppninnar. Þeir listamenn sem voru valdir valdir til þáttöku eru:

Haraldur Jónsson og Anna María Bogadóttir, Katrín Sigurðardóttir, Ólöf Nordal
Rósa Gísladóttir, Sigurður Guðjónsson og Þórdís Erla Zoëga.
Alls bárust dómnefnd tíu gildar tillögur og var niðurstaða dómnefndar sú að verkið „Upphaf“ eftir Þórdísi Erla Zoëga var valið sem vinningstillaga.

Í umsögn dómnefndar segir meðal annars að tillagan sé skemmtileg og beri með sér næmi fyrir rýminu og starfsemi spítalans.

Tvær tillögur hlutu viðurkenningu:

„Hjartaþræðing“, höfundar: Haraldur Jónsson og Anna María Bogadóttir og „Blíðoleikur“, höfundur: Ólöf Nordal.

Hér má sjá þær tillögur sem bárust í keppnina:

<https://www.nlsh.is/skipulag-og-listaverk/listaverk/>


Myndir af vinningstillögu



Margt fram undan í byggingaframkvæmdum



Vinnuvélar í grunni við rannsóknahúsið og í bakgrunni gnæfir yfir hluti nýs meðferðarkjarna. Þar má sjá að uppsetning útveggja klæðningar á fyrsta turninn er komin á skrið. Út úr jarðvegsbakkanum má sjá op inn í tengiganga sem verða neðanjarðar og tengja saman byggingar á svæðinu



Góður gangur hefur við uppsteypu bílakjallara undir Sóleyjartorgi og í byrjun janúar var miðjuhluti af milliplötu kjallarans steyptur við bestu aðstæður

Nú í upphafi árs eru viðamikil verkefni fram undan, segir Árni Kristjánsson staðarverkfræðingur NLSH.

„Uppsteypa meðferðarkjarna er á lokametrunum og uppsetning útveggjaeininga komin á fulla ferð í vesturhluta hússins. Áfram er unnið að uppsteypu við bílastæða- og tæknihús, ásamt bílakjallara undir Sóleyjartorgi, en þessum uppsteypuverkum mun ljúka síðar á þessu ári. Jarðvinna rannsóknahúss kláraðist í lok síðasta árs og hefur verktaki tekið við grunninum og hafið undirbúning uppsteypu. Jarðvinna í húsi heilbrigðisvísindasviðs Háskóla Íslands er í vinnslu og er reiknað með að framkvæmdir við uppsteypu hefjist á næstu mánuðum. Áframhaldandi vinna við meðferðarkjarna er áætluð á árinu, eins og flagnir, þakfrágangur og frekari undirbúningur lokafrágangs innanhúss. Einnig er áætlað að setja upp fyrstu lyfturnar í húsinu á þessu ári,“ segir Árni Kristjánsson staðarverkfræðingur NLSH.

Opnun tilboða vegna stækkunar vinnubúða



Terra einingar ehf. var með lægsta tilboðið vegna stækkunar vinnubúða

Tilboð hafa verið opnuð vegna stækkunar á vinnubúðum.

Tilboð bárust frá eftirtöldum aðilum:

Heildartilboðsverð án vsk.

Stólpí Gámar ehf. 59.600.000,00

Terra Einingar ehf. 48.945.312,00

Verkheimar ehf. 79.558.805,00

Kostnaðaráætlun verkefnisins er 58,7 millj. án vsk.

Jarðvinna við hús Heilbrigðisvíðasviðs Háskóla Íslands



Berglosun verður framkvæmd með sprengingum þrisvar á dag

Verktakafyrirtækið Háfell hefur á undanförnum vikum unnið að greftri lausra jarðlaga fyrir húsi Heilbrigðisvíðasviðs Háskóla Íslands (norðan og austan Læknagarðs). Nú hefur verið hafist handa við að losa klöppina en neðsta hæð hússins liggur einni hæð ofar en neðstu hæðir meðferðarkjarna og rannsóknahúss. Því verður um talsvert minni berglosun að ræða heldur en í þeim húsum. Berglosun verður framkvæmd með sprengingum og með sama hætti og viðhafður hefur verið í meðferðarkjarna og rannsóknahúsi, þ.e. sprengt verður þrisvar á dag kl. 11:00, 14:30 og 17:30. Gert er ráð fyrir að jarðvinnu við húsið ljúki um miðjan febrúar.

Starfsfólk frá Sjúkraliðafélagi Íslands í heimsókn



Starfsmenn Sjúkraliðafélags Íslands í skoðunarferð um framkvæmdasvæðið

Starfsfólk frá Sjúkraliðafélagi Íslands kom í heimsókn á árlegum starfsdegi félagsins þann 11. janúar síðastliðinn. Gunnar Svavarsson, framkvæmdastjóri NLSH, kynnti verkefni félagsins og svaraði fyrirspurnum. Að því loknu var farið í skoðunarferð um framkvæmdasvæðið undir leiðsögn Árna Kristjánssonar, byggingarstjóra NLSH.

„Eins og kunnugt er þá er Landspítalinn fjölmennasti vinnustaður landsins. Áhugi starfsfólks Sjúkraliðafélagsins um framkvæmdirnar leyndi sér ekki, enda eru sjúkraliðar næstfjölmennasta heilbrigðisstétt landsins. Um 600 sjúkraliðar starfa á hinum ýmsu deildum spítalans og því skiptir uppbygging Nýs Landspítala verulegu máli fyrir stéttina,” segir Sandra B. Franks formaður Sjúkraliðafélags Íslands.

Jarðvinna hafin við Grensásdeild Landspítala



Framkvæmdir við jarðvinnu við viðbyggingu Grensásdeilda hófust í byrjun árs

Í upphafi árs hófust framkvæmdir við jarðvinnu við viðbyggingu Grensásdeilda Landspítala. Það er Óskatak ehf. sem sér um jarðvinnuna og NLSH hefur eftirlit með framkvæmdum. Áætlað er að jarðvinnu ljúki í apríl og í framhaldi hefst vinna við uppsteypu á húsinu. Gert er ráð fyrir að framkvæmdum ljúki á árinu 2026.

Áhugasamir arkitektar í heimsókn vegna útveggjarklæðningar á meðferðarkjarna




Létt var yfir hópnum í heimsókn erlendu fulltrúana til NLSH

Þann 17. janúar komu fulltrúuar á vegum Sen&Son Architects, Hille Melbye Architects og Klasi Real Estate Development ásamt Staticus í heimsókn á verkstað NLSH.

„Ástæða heimsóknar var að skoða útveggjaeiningar á meðferðarkjarna. Áður en haldið var út á verkstað í skoðunarferð í vetrarnæðingnum var Ásdís Ingþórsdóttir verkefnastjóri með kynningu fyrir hópinn á helstu verkefnum NLSH. Gestir fengu kærkomið tækifæri á að sjá uppsetningu á einni útveggjaeiningu í heimsókn sinni,“ segir Bergþóra Smáradóttir verkefnastjóri hjá NLSH.

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595 andriol@landspitali.is og frá Háskóla Íslands Björn Gíslason 896 0876 bgisla@hi.is